



Na osnovu člana 8. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", broj 12/03, 34/03 i 65/13), člana 13. Odluke o promjeni oblika organizovanja Javnog preduzeća „Centar za sport i rekreaciju“ Sarajevo u javnu ustanovu - prečišćeni tekst („Službene novine Kantona Sarajevo“, br. 21/18 i 15/24), člana 7. Odluke o osnivanju Javne ustanove Centar kulture i mladih Općine Centar Sarajevo („Službene novine Kantona Sarajevo“, broj 45/17, 6/18 i 42/22) i člana 8. Odluke o standardima i kriterijima za imenovanje na pozicije u reguliranim organima koja vrši Općinski načelnik Općine Centar Sarajevo ("Službene novine Kantona Sarajevo", broj 50/17 i 51/23), Općinski načelnik raspisuje:

JAVNI OGLAS

za izbor i imenovanje predsjednika Upravnog odbora Javne ustanove Centar kulture i mladih Općine Centar Sarajevo i člana i predsjednika Nadzornog odbora Javne ustanove „Centar za sport i rekreaciju“ Sarajevo

1. UPRAVNI ODBOR JAVNE USTANOVE CENTAR KULTURE I MLADIH OPĆINE CENTAR SARAJEVO

- jedan član – predstavnik osnivača Ustanove (predsjednik)

Mandat predsjednika Upravnog odbora JU Centar kulture i mladih Općine Centar Sarajevo traje do isteka mandata već imenovanih članova, odnosno do 21.02.2028. godine.

2. NADZORNI ODBOR JAVNE USTANOVE „CENTAR ZA SPORT I REKREACIJU“ SARAJEVO

- jedan član - predstavnik osnivača Ustanove (predsjednik)
- jedan član – predstavnik zaposlenika Ustanove

Mandat člana i predsjednika Nadzornog odbora JU „Centar za sport i rekreaciju“ Sarajevo traje do isteka mandata već imenovanih članova, odnosno do 25.12.2029. godine.

OPIS POZICIJA:

- **Upravni odbor** donosi pravila Ustanove, imenuje i razrješava direktora, utvrđuje godišnji program rada i razvoja, donosi finansijski plan i usvaja godišnji obračun, donosi opće akte o unutrašnjoj organizaciji i sistematizaciji poslova i druge opće akte u skladu sa zakonom i pravilima Ustanova, odlučuje o svim pitanjima obavljanja djelatnosti radi kojih je Ustanova osnovana, ukoliko zakonom ta pitanja nisu u nadležnosti drugih organa Ustanova, usmjerava, kontroliše i ocjenjuje rad direktora, rješava sva pitanja odnosa sa osnivačem, odgovara osnivaču za rezultate rada Ustanove, odlučuje o korištenju sredstava preko iznosa utvrđenog pravilima Ustanove, odlučuje o prigovoru radnika na rješenja koje je donio drugi organ u skladu sa pravilima Ustanove, podnosi osnivaču najmanje jedanput godišnje pismeni izvještaj o poslovanju ustanove, vrši druge poslove u skladu sa zakonom i pravilima Ustanove.

- **Nadzorni odbor** analizira izvještaje o poslovanju ustanove, u obavljanju nadzora nad upotrebom sredstava za rad pregleda godišnjih izvještaja o poslovanju i godišnji obračun, pregleda i provjerava urednost i zakonitost vođenja poslovnih knjiga, izvještava osnivača, upravni odbor i direktora o rezultatima nadzora.

OPĆI USLOVI:

- da je stariji od 18 godina;
- da je državljanin Bosne i Hercegovine;
- da nije otpušten iz radnog odnosa kao rezultat disciplinske mjere na bilo kojem nivou u Bosni i Hercegovini (bilo na nivou države ili entiteta) u periodu od tri godine prije dana objavljivanja upražnjene pozicije u javnom oglasu;
- da se na tog kandidata ne odnosi član IX tačka 1. Ustava Bosne i Hercegovine;
- da nije nosilac javne funkcije u institucijama na nivou Bosne i Hercegovine u smislu Zakona o sprečavanju sukoba interesa u institucijama na nivou Bosne i Hercegovine ("Službeni glasnik BiH", broj 18/24);
- da nije zaposlen na drugoj izbornoj poziciji u reguliranom organu, koja može uticati na eventualni sukob interesa.

POSEBNI USLOVI:

- da posjeduje najmanje visoku stručnu spremu (VII stepen), odnosno završen najmanje prvi ciklus bolonjskog studija visokog obrazovanja u trajanju od najmanje tri studijske godine sa akademskom titulom i stručnim zvanjem Bakalaureat/Bachelor (180 ECTS bodova);
- da ima najmanje tri godine radnog iskustva (za poziciju 1. poželjno iz oblasti kulture, a za pozicije 2. iz oblasti sporta);
- da nije direktor Ustanove za čiji organ se kandiduje;
- da nema privatni finansijski interes u javnoj ustanovi u čiji se upravni/nadzorni odbor imenuje;
- da nije općinski vijećnik/ca u mandatu;
- da nije bliski srodnik u smislu sukoba interesa sa bilo kojim članom ili zaposlenikom u Ustanovi za čiji organ se kandiduje;
- da nije osuđivan za krivično djelo koje je nespojivo sa obavljanjem dužnosti predsjednika i člana nadzornog odbora javne ustanove;
- da nije osuđivan za prekršaj koji je nespojiv sa obavljanjem dužnosti predsjednika i člana nadzornog odbora javne ustanove.

POTREBNA DOKUMENTACIJA:

- Potpisan obrazac prijave na Javni oglas
- Uvjerenje o državljanstvu ne starije od šest mjeseci*
- Diploma o završenoj visokoj stručnoj spremi*
- Dokaz o radnom iskustvu (uvjerenje, potvrda potpisana i ovjerena od poslodavca ili uvjerenje o radnom stažu od FZ PIO/MIO)*
- Obrazac za pitanja o sukobu interesa
- Izjava

*Kopije dokumenata moraju biti ovjerene

• Uvjerenje da se protiv lica ne vodi krivični postupak – ne starije od tri mjeseca;
Kandidat **nije u obavezi** uz prijavu dostaviti navedeno Uvjerenje. Dokaz da se protiv lica ne vodi krivični postupak, za najuspješnije kandidate, pribavlja služba nadležna za poslove iz oblasti kulture i sporta, a u skladu sa pravilima krivičnog i prekršajnog postupka, nakon zahtjeva Komisije za izbor.

Izjavu, Obrazac prijave za predsjednika Upravnog odbora JU Centar kulture i mladih Općine Centar Sarajevo i predsjednika i člana Nadzornog odbora JU „Centar za sport i rekreaciju“ Sarajevo, Obrazac za pitanja o sukobu interesa mogu se lično preuzeti na Info-pultu u Općini Centar Sarajevo ili sa WEB-stranice Općine: www.centar.ba

Dokumentaciju dostaviti lično na protokol ili poslati preporučeno poštom na adresu:

Općina Centar Sarajevo

Služba za obrazovanje, društvene djelatnosti, kulturu i sport

Mis Irbina broj 1

71000 Sarajevo

Bosna i Hercegovina

sa naznakom- **„Prijava na Javni oglas za izbor i imenovanje predsjednika Upravnog odbora Javne ustanove Centar kulture i mladih Općine Centar Sarajevo i predsjednika i člana Nadzornog odbora Javne ustanove „Centar za sport i rekreaciju“ Sarajevo - ne otvarati“**

Krajnji rok za podnošenje prijava je 15 dana od dana objavljivanja Javnog oglasa.

Neblagovremene prijave i prijave sa nepotpunom dokumentacijom neće se uzeti u razmatranje.

OPŠTINSKI NAČELNIK

Srđan Mandić

Broj: 13-34-12/26

Sarajevo, _____.2026. godine